

妙法蓮華經 化城諭品

第七

仏告諸比丘 乃往過去

無量無邊 不可思議 阿

僧祇劫 爾時有仏 名大

通智勝如來 応供 正徧

知 明行足 善逝 世間解

無上士 調御丈夫 天人

師 仏 世尊 其国名好成

劫名大相 諸比丘 彼仏

滅度已來 甚大久遠 譬

如三千大千世界 所有地
種 假使有人 磨以為墨
過於東方千国土 乃下一
点 大如微塵 又過千國
土 復下一点 如是展轉
尽地種墨 於汝等意云何
是諸国土 若算師 若算
師弟子 能得邊際 知其
數不 不也 世尊 諸比丘
是人所經国土 若点不点
尽抹為塵 一塵一劫 彼

仏滅度已來 復過是數
無量無邊 百千萬億 阿
僧祇劫 我以如來知見力
故 觀彼久遠 猶如今日
爾時世尊 欲重宣此義
而說偈言
我念過去世 無量無邊劫
有仏兩足尊 名大通智勝
如人以力磨 三千大千土
盡此諸地種 皆悉以為墨
過於千国土 乃下一塵点

如是展轉点 尽此諸塵墨
如是諸国土 点与不点等
復尽抹為塵 一塵為一劫
此諸微塵数 其劫復過是
彼仏滅度来 如是無量劫
如来無碍智 知彼仏滅度
及声聞菩薩 如見今滅度
諸比丘当知 仏智淨微妙
無漏無所碍 通達無量劫
仏告諸比丘 大通智勝仏
寿五百四十万億 那由佗

劫 其仏本坐道場 破魔
軍已 垂得阿耨多羅三藐
三菩提 而諸仏法 不現
在前 如是一小劫 乃至
十小劫 結跏趺坐 身心
不動 而諸仏法 猶不在
前 爾時 忉利諸天 先為
彼仏 於菩提樹下 敷師
子座 高一由旬 仏於此
座 當得阿耨多羅三藐三
菩提 適坐此座 時諸梵

天王 雨衆天華 面百由
旬 香風時來 吹去萎華
更雨新者 如是不絕 滿
十小劫 供養於仏 乃至
滅度 常雨此華 四王諸
天 為供養仏 常擊天鼓
其餘諸天 作天伎樂 滿
十小劫 至于滅度 亦復
如是諸比丘 大通智勝仏
過十小劫 諸仏之法 乃
現在前 成阿耨多羅三藐

三菩提 其仏未出家時
有十六子 其第一者 名
曰智積 諸子各有 種種
珍異 玩好之具 聞父得
成 阿耨多羅三藐三菩提
皆捨所珍 往詣仏所 諸
母涕泣 而隨送之 其祖
轉輪聖王 与一百大臣
及余百千万億人民 皆共
圍繞 隨至道場 咸欲親
近 大通智勝如来 供養

恭敬 尊重讚歎 到已頭
面礼足 繞仏畢已 一心
合掌 瞻仰世尊 以偈頌
曰
大威德世尊 為度衆生故
於無量億歲 爾乃得成仏
諸願已具足 善哉吉無上
世尊甚希有 一坐十小劫
身体及手足 靜然安不動
其心常憺怕 未曾有散乱
究竟永寂滅 安住無漏法

今者見世尊 安穩成仙道
我等得善利 稱慶大歡喜
衆生常苦惱 盲冥無導師
不識苦尽道 不知求解脫
長夜增惡趣 減損諸天衆
從冥入於冥 永不聞仙名
今仙得最上 安穩無漏法
我等及天人 為得最大利
是故咸稽首 歸命無上尊
爾時十六王子 偈讚仙已
勸請世尊 轉於法輪 咸

作是言 世尊說法 多所
安穩 憐愍饒益 諸天人
民 重說偈言

世雄無等倫 百福自莊嚴
得無上智慧 願為世間說
度脫於我等 及諸衆生類
為分別顯示 令得是智慧
若我等得仏 衆生亦復然
世尊知衆生 深心之所念
亦知所行道 又知智慧力
欲樂及修福 宿命所行業

世尊悉知已 当轉無上輪
仏告諸比丘 大通智勝仏
得阿耨多羅三藐三菩提時
十方各五百万億諸仏世界
六種震動 其国中間 幽
冥之處 日月威光 所不
能照 而皆大明 其中衆
生 各得相見 咸作是言
此中云何 忽生衆生 又
其国界 諸天宮殿 乃至
梵宮 六種震動 大光普

照徧滿世界 勝諸天光
爾時東方 五百万億 諸
国土中 梵天宮殿 光明
照耀 倍於常明 諸梵天
王 各作是念 今者宮殿
光明 昔所未有 以何因
緣 而現此相 是時諸梵
天王 即各相詣 共議此
事 而彼衆中 有一大梵
天王 名救一切 為諸梵
衆 而說偈言

我等諸宮殿 光明昔未有
此是何因緣 宜各共求之
為大德天生 為仙出世間
而此大光明 徧照於十方
爾時五百萬億國土 諸梵
天王 与宮殿俱 各以衣
袂 盛諸天華 共詣西方
推尋是相 見大通智勝如
來 处于道場 菩提樹下
坐師子座 諸天龍王 乾
闥婆 緊那羅 摩睺羅伽

人非人等 恭敬圍繞 及
見十六王子 請仏轉法輪
即時諸梵天王 頭面禮仏
繞百千帀 卽以天華 而
散仏上 其所散華 如須
弥山 竝以供養 仏菩提
樹 其菩提樹 高十由旬
華供養已 各以宮殿 奉
上彼仏 而作是言 唯見
哀愍 饒益我等 所獻宮
殿 願垂納処 時諸梵天

王 即於仏前 一心同聲

以偈頌曰

世尊甚希有 難可得值遇

具無量功德 能救護一切

天人之大師 哀愍於世間

十方諸衆生 普皆蒙饒益

我等所從來 五百萬億國

捨深禪定樂 為供養仏故

我等先世福 宮殿甚嚴飾

今以奉世尊 唯願哀納受

爾時諸梵天王 偈讚仏已

各作是言 唯願世尊 轉
於法輪 度脫衆生 開涅槃道 時諸梵天王 一心
同声 而說偈言
世雄兩足尊 唯願演說法
以大慈悲力 度苦惱衆生
爾時大通智勝如來 默然
許之 又諸比丘 東南方
五百萬億國土 諸大梵王
各自見見宮殿光明照耀 昔
所未有 歡喜踊躍 生希

有心 即各相詣 共議此
事 時彼衆中 有一大梵
天王 名曰大悲 為諸梵
衆 而說偈言
是事何因緣 而現如此相
我等諸宮殿 光明昔未有
為大德天生 為仏出世間
未曾見此相 當共一心求
過千萬億土 尋光共推之
多是仏出世 度脫苦衆生
爾時五百万億 諸梵天王

与宮殿俱 各以衣**袂**盛
諸天華 共詣西北方 推
尋是相 見大通智勝如來
处于道場 菩提樹下 坐
師子座 諸天 龍王 乾闥
婆 緊那羅 摩**睺**羅伽人
非人等 恭敬圍繞 及見
十六王子 請仙轉法輪
時諸梵天王 頭面禮仙
繞百千**帀** 即以天華 而
散仙上 所散之華 如須

彌山竝以供養 仏菩提
樹華供養已 各以宮殿
奉上彼仏 而作是言 唯
見哀愍 饒益我等 所獻
宮殿 願垂納処 爾時諸
梵天王 即於仏前 一心
同声 以偈頌曰
聖主天中天 迦陵頻伽声
哀愍衆生者 我等今敬礼
世尊甚希有 久遠乃一現
一百八十劫 空過無有仏

三惡道充滿 諸天衆減少
今仏出於世 為衆生作眼
世間所歸趣 救護於一切
為衆生之父 哀愍饒益者
我等宿福慶 今得值世尊
爾時諸梵天王 偈讚仏已
各作是言 唯願世尊 哀
愍一切 轉於法輪 度脫
衆生 時諸梵天王 一心
同声 而説偈言
大聖轉法輪 顯示諸法相

度苦惱衆生 令得大歡喜
衆生聞此法 得道若生天
諸惡道減少 忍善者增益
爾時大通智勝如來 默然
許之 又諸比丘 南方五
百萬億國土 諸大梵王
各自見宮殿 光明照耀
昔所未有 歡喜踊躍 生
希有心 即各相詣 共議
此事 以何因緣 我等宮
殿 有此光曜 而彼衆中

有一大梵天王 名曰妙法
為諸梵眾 而說偈言

我等諸宮殿 光明甚威曜
此非無因緣 是相宜求之
過於百千劫 未曾見是相
為大德天生 為仙出世間
爾時五百万億 諸梵天王

与宮殿俱 各以衣**袂**盛

諸天華 共詣北方 推尋

是相 見大通智勝如來

处于道場 菩提樹下 坐

師子座 諸天 龍王 乾闥
婆 緊那羅 摩睺羅伽人
非人等 恭敬圍繞 及見
十六王子 請仏轉法輪
時諸梵天王 頭面禮仏
繞百千帀 卽以天華 而
散仏上 所散之華 如須
弥山 竝以供養 仏菩提
樹 華供養已 各以宮殿
奉上彼仏 而作是言 唯
見哀愍 饒益我等 所獻

宮殿 願垂納處 爾時諸
梵天王 即於仏前 一心
同声 以偈頌曰
世尊甚難見 破諸煩惱者
過百三十劫 今乃得一見
諸飢渴衆生 以法雨充滿
昔所未曾覩 無量智慧者
如優曇波羅 今日乃值遇
我等諸宮殿 蒙光故嚴飾
世尊大慈悲 唯願垂納受
爾時諸梵天王 偈讚仏已

各作是言 唯願世尊 轉
於法輪 令一切世間 諸
天 魔梵 沙門 婆羅門
皆獲安穩 而得度脫 時
諸梵天王 一心同声 以
偈頌曰
唯願天人尊 轉無上法輪
擊于大法鼓 而吹大法螺
普雨大法雨 度無量衆生
我等咸歸請 當演深遠音
爾時大通智勝如來 默然

許之 西南方 乃至下方
亦復如是 爾時上方五
百万億国土 諸大梵王
皆悉自覩 所止宮殿 光
明威曜 昔所未有 歡喜
踊躍 生希有心 即各相
詣 共議此事 以何因緣
我等宮殿 有斯光明 而
彼衆中有一大梵天王 名
曰尸棄 為諸梵衆 而說
偈言

今以何因緣 我等諸宮殿
威德光明曜 嚴飾未曾有
如是之妙相 昔所未聞見
為大德天生 為仙出世間
爾時五百万億 諸梵天王
與宮殿俱 各以衣**袂**盛
諸天華 共詣下方 推尋
是相 見大通智勝如來
處于道場 菩提樹下 坐
師子座 諸天 龍王 乾闥
婆 緊那羅 摩**睺**羅伽 人

非人等 恭敬圍繞 及見
十六王子 請仏轉法輪
時諸梵天王 頭面禮仏
繞百千 **帀** 即以天華 而
散仏上 所散之華 如須
弥山 竝以供養 仏菩提
樹 華供養已 各以宮殿
奉上彼仏 而作是言 唯
見哀愍 饒益我等 所獻
宮殿 願垂納処 時諸梵
天王 即於仏前 一心同

声 以偈頌曰

善哉見諸仏

救世之聖尊

能於三界獄

勉出諸衆生

普智天人尊

愍哀群萌類

能開甘露門

広度於一切

於昔無量劫

空過無有仏

世尊未出時

十方常闇暝

三惡道增長

阿修羅亦盛

諸天衆轉減

死多墮惡道

不從仏聞法

常行不善事

色力及智慧

斯等皆減少

罪業因緣故 失樂及樂想
住於邪見法 不識善儀則
不蒙仏所化 常墮於惡道
仏為世間眼 久遠時乃出
哀愍諸衆生 故現於世間
超出成正覺 我等甚欣慶
及余一切衆 喜歎未曾有
我等諸宮殿 蒙光故嚴飾
今以奉世尊 唯垂哀納受
願以此功德 普及於一切
我等與衆生 皆共成仏道

爾時五百万億 諸梵天王
偈讚仏已 各白仏言 唯
願世尊 轉於法輪 多所
安穩 多所度脱 時諸梵
天王 而説偈言
世尊轉法輪 擊甘露法鼓
度苦惱衆生 開示涅槃道
唯願受我請 以大微妙音
哀愍而敷演 無量劫習法
爾時大通智勝如來 受十
方諸梵天王 及十六王子

請 即時三轉 十二行法
輪 若沙門 婆羅門 若天
魔梵 及余世間 所不能
轉 謂是苦 是苦集 是苦
滅 是苦滅道 及廣說 十
二因緣法 無明緣行 行
緣識 識緣名色 名色緣
六入 六入緣觸 觸緣受
受緣愛 愛緣取 取緣有
有緣生 生緣老死憂悲苦
惱 無明滅則行滅 行滅

則識滅 識滅則名色滅
名色滅則六入滅 六入滅
則觸滅 觸滅則受滅 受
滅則愛滅 愛滅則取滅
取滅則有滅 有滅則生滅
生滅則老死憂悲苦惱滅
仏於天人大衆之中 說是
法時 六百萬億 那由佗
人 以不受一切法故 而
於諸漏 心得解脫 皆得
深妙禪定 三明 六通 具

八解脫 第二 第三 第四
說法時 千万億恒河沙
那由佗等衆生 亦以不受
一切法故 而於諸漏 心
得解脫 從是已後 諸声
聞衆 無量無邊不可称数
爾時十六王子 皆以童子
出家 而為沙弥 諸根通
利 智慧明了 已曾供養
百千万億諸仙 淨修梵行
求阿耨多羅三藐三菩提

俱白仏言世尊 是諸無量
千萬億 大徳声聞 皆已
成就世尊 亦當為我等
説阿耨多羅三藐三菩提法
我等聞已皆共修学 世尊
我等 志願如來知見 深
心所念 仏自証知 爾時
轉輪聖王 所將衆中 八
万億人 見十六王子出家
亦求出家 王即聽許 爾
時彼仏 受沙弥請 過二

万劫已 乃於四衆之中
說是大乘經 名妙法蓮華
教菩薩法 仏所護念 說
是經已 十六沙弥 為阿
耨多羅三藐三菩提故 皆
共受持 諷誦通利 說是
經時 十六菩薩沙弥 皆
悉信受 声聞衆中 亦有
信解 其余衆生 千万億
種 皆生疑惑 仏說是經
於八千劫 未曾休廢 說

此經已 即入靜室 住於
禪定 八万四千劫 是時
十六菩薩沙彌 知仙入室
寂然禪定各昇法座 亦於
八万四千劫 為四部衆
廣說分別 妙法華經 一
一皆度 六百万億那由佗
恒河沙等衆生 示教利喜
令發阿耨多羅三藐三菩提
心 大通智勝仙 過八万
四千劫已 從三昧起 往

詣法座 安詳而坐 普告
大衆 是十六菩薩沙彌
甚為希有 諸根通利 智
慧明了 已曾供養 無量
千萬億數諸仙 於諸仙所
常修梵行 受持仙智 開
示衆生 令入其中 汝等
皆當數數親近 而供養之
所以者何 若聲聞辟支仙
及諸菩薩 能信是十六菩
薩 所說經法 受持不毀

者 是人皆當得阿耨多羅
三藐三菩提 如來之慧
仏告諸比丘 是十六菩薩
常樂說是 妙法蓮華經
一一菩薩 所化六百萬億
那由佗 恒河沙等衆生
世世所生 与菩薩俱 從
其聞法 悉皆信解 以此
因縁 得值四萬億 諸仏
世尊 于今不盡 諸比丘
我今語汝 彼仏弟子 十

六沙弥 今皆得阿耨多羅
三藐三菩提 於十方国土
現在說法 有無量百千萬
億 菩薩声聞 以為眷属
其二沙弥 東方作仏一
名阿閼 在歡喜国 二名
須弥頂 東南方二仏一
名師子音 二名師子相
南方二仏 一名虚空住
二名常滅 西南方二仏
一名帝相 二名梵相 西

方二仏 一名阿彌陀 二
名度一切世間苦惱 西北
方二仏 一名多摩羅跋梅
檀香神通 二名須彌相
北方二仏 一名雲自在
二名雲自在王 東北方仏
名壞一切世間怖畏 第十
六我釈迦牟尼仏 於娑婆
国土 成阿耨多羅三藐三
菩提 諸比丘 我等為沙
彌時 各各教化 無量百

千萬億 恒河沙等衆生
從我聞法 為阿耨多羅三
藐三菩提 此諸衆生 于
今有住 声聞地者 我常
教化 阿耨多羅三藐三菩
提 是諸人等 心以是法
漸入仙道 所以者何 如
來智慧 難信難解 爾時
所化 無量恒河沙等衆生
者 汝等諸比丘 及我滅
度後 未來世中 声聞弟

子是也 我滅度後 復有
弟子 不聞是經 不知不
覺 菩薩所行 自於所得
功德 生滅度想 當入涅槃
我於余国作仏 更有
異名 是人雖生 滅度之
想 入於涅槃 而於彼土
求仏智慧 得聞是經 唯
以仏乘 而得滅度 更無
余乘 除諸如來 方便説
法 諸比丘 若如來自知

涅槃時到 衆又清淨 信
解堅固 了達空法 深入
禪定 便集諸菩薩 及聲
聞衆 為說是經 世間無
有二乘 而得滅度 唯一
仏乘 得滅度耳 比丘當
知 如來方便 深入衆生
之性 知其志樂小法 深
著五欲 為是等故 說於
涅槃 是人若聞 則便信
受 譬如五百由旬 險難

惡道 曠絕無人 怖畏之
處 若有多衆 欲過此道
至珍寶處 有一導師 聰
慧明達 善知險道 通塞
之相 將導衆人 欲過此
難 所將人衆 中路懈怠
白導師言 我等疲極 而
復怖畏 不能復進 前路
猶遠 今欲退還 導師多
諸方便 而作是念 此等
可愍 云何捨大珍寶 而

欲退還 作是念已 以方便力 於險道中 過三百由旬 化作一城 告衆人言 汝等勿怖 莫得退還 今此大城 可於中止 隨意所作 若入是城 快得安穩 若能前至寶所 亦可得去 是時疲極之衆 心大歡喜 歎未曾有 我等今者 免斯惡道 快得安穩 於是衆人 前入化

城 生已度想 生安穩想
爾時導師 知此人衆 既
得止息 無復疲倦 即滅
化城 語衆人言 汝等去
來 宝所在近 向者大城
我所化作 為止息耳 諸
比丘 如來亦復如是 今
為汝等 作大導師 知諸
生死 煩惱惡道 險難長
遠 忘去忘度 若衆生 但
聞一仏乘者 則不欲見仏

不欲親近 便作是念 仏
道長遠 久受勤苦 乃可
得成 仏知是心 怯弱下
劣 以方便力 而於中道
為止息故 說二涅槃 若
衆生住於二地 如来爾時
即便為說 汝等所作未弁
汝所住地 近於仏慧 當
觀察籌量 所得涅槃 非
真實也 但是如来 方便
之力 於一仏乘 分別說

三 如彼導師 為止息故
化作大城 既知息已 而
告之言 宝所在近 此城
非实 我化作耳 爾時世
尊 欲重宣此義 而說偈
言
大通智勝仏 十劫坐道場
仏法不現前 不得成仏道
諸天神龍王 阿修羅衆等
常雨於天華 以供養彼仏
諸天擊天鼓 竝作衆伎樂

香風吹萎華 更雨新好者
過十小劫已 乃得成仏道
諸天及世人 心皆懷踊躍
彼仏十六子 皆與其眷属
千万億圍繞 俱行至仏所
頭面礼仏足 而請転法輪
聖師子法雨 充我及一切
世尊甚難値 久遠時一現
為覚悟群生 震動於一切
東方諸世界 五百万億国
梵宮殿光曜 昔所未曾有

諸梵見此相 尋來至仏所
散華以供養 竝奉上宮殿
請仏轉法輪 以偈而讚歎
佛知時未至 受請默然坐
三方及四維 上下亦復爾
散華奉宮殿 請仏轉法輪
世尊甚難值 願以大慈悲
広開甘露門 轉無上法輪
無量慧世尊 受彼衆人請
為宣種種法 四諦十二縁
無明至老死 皆從生縁有

如是衆過患 汝等应当知
宣暢是法時 六百萬億姪
得盡諸苦際 皆成阿羅漢
第二說法時 千萬恒沙衆
於諸法不受 亦得阿羅漢
從是後得度 其數無有量
萬億劫算數 不能得其邊
時十六王子 出家作沙彌
皆共請彼仏 演說大乘法
我等及宮從 皆當成仏道
願得如世尊 慧眼第一淨

仙知童子心 宿世之所行
以無量因緣 種種諸譬諭
說六波羅蜜 及諸神通事
分別真實法 菩薩所行道
說是法華經 如恒河沙偈
彼仙說經已 靜室入禪定
一心一處坐 八万四千劫
是諸沙彌等 知仙禪未出
為無量億眾 說仙無上慧
各各坐法座 說是大乘經
於仙宴寂後 宣揚助法化

一一沙弥等 所度諸衆生
有六百万億 恒河沙等衆
彼仏滅度後 是諸聞法者
在在諸仏土 常与師俱生
是十六沙弥 具足行仏道
今現在十方 各得成正覺
爾時聞法者 各在諸仏所
其有住声聞 漸教以仏道
我在十六數 曾亦為汝説
是故以方便 引汝趣仏慧
以是本因縁 今説法華經

令汝入仙道
譬如險惡道
又復無水草
無數千万衆
其路甚曠遠
時有一導師
明了心決定
衆人皆疲倦
我等今頓乏
導師作是念
如何欲退還

慎勿懷驚懼
迴絕多毒獸
人所怖畏處
欲過此險道
經五百由旬
強識有智慧
在險濟衆難
而白導師言
於此欲退還
此輩甚可愍
而失大珍寶

尋時思方便 當設神通力
化作大城郭 莊嚴諸舍宅
周^帀有園林 渠流及浴池
重門高樓閣 男女皆充滿
即作是化已 慰衆言勿懼
汝等入此城 各可隨所樂
諸人既入城 心皆大歡喜
皆生安穩想 自謂已得度
導師知息已 集衆而告言
汝等當前進 此是化城耳
我見汝疲極 中路欲退還

故以方便力
汝今勤精進
我亦復如是
見諸求道者
不能度生死
故以方便力
言汝等苦滅
既知到涅槃
爾乃集大眾
諸仙方便力
唯有一仙乘

權化作此城
當共至寶所
為一切導師
中路而懈怠
煩惱諸險道
為息說涅槃
所作皆已弁
皆得阿羅漢
為說真實法
分別說三乘
息處故說二

今為汝說實 汝所得非滅
為仏一切智 當發大精進
汝証一切智 十力等仏法
具三十二相 乃是真實滅
諸仏之導師 為息說涅槃
既知是息已 引入於仏慧

妙法蓮華經卷第三